

Es sollenn inn demselbenn collegio sechs lectiones gehalten werdenn, nemlich der ordinarius sol im sommer umb funf, im winter umb sechs anheben, unnd in decretalibus wie gewonlich lesenn primum und secundum decretalium gantz aus.

Darnach doctor Schmideberg in secundo, tertio, quarto und sexto die wergerste titell codicis, im summer umb siebenn unnd im winter umb acht horen. 5

Darnach doctor Iohann Kuchel in institutionibus, im sommer umb achte unnd im winter umb neun horen, und inst. gantz ausleßenn.

Darnach doctor Zceitz in quinto decretalium umb ein hore die vornemlichsten titell, in tertio unnd quinto gemeiniglich alle titel lesenn.

Darnach doctor N. in digesto umb zwey in titulis ordinariis in allen teiln, das ist 10 in ff. veteri, infortiato unnd novo.

Darnach doctor Scheibe in sexto und clementinis drey horen unnd die gantz außleßenn.

Solche lectiones sollenn die doctores all und ein itzlicher die seynen allewege in vier iaren enden unnd eynmal außleßen, uf das also der curß in iure gewonlich in vier 15 iarenn complirt und finirt werde und die scholares den in solcher zeit horenn mogen.

Diese lectiones sollen continue gelesenn werden wenn man zu leßenn pflegt, und welcher seyne lection an ehehaft absens vorseumt ader durch eynen andern nicht bestellt, der sal als ofte das beschiet eynen halben gulden zu busse geben. Unnd sal keyne vacantz dan in canicularibus von Margarete bis uf Bartholomei, unnd von weynachten bis nach 20 dem Leiptzschenn marckt, inn der marterwochen, osterwochen, pfingstwochen, weynachten unnd die drey tag inn der faßnacht sampt den gewonlichen feyertagen unnd dem doners- tag den man nennet diem Iovis, so sunst kein feyertag inn der wochen gewest, gehalten ader gemacht werdenn.

Es sollen alle doctores so alhier, darzu drey doctores die inn andern universiteten 25 promovirt seint, in irer facultet gebraucht unnd ufgnommen werden, doch das die so inn frembden ortern promovirt seint zuvor zwey iare alhier residirt, pro loco respondirt, prandium und der facultet zu irem visco funfzig^{a)} gulden gegeben haben unnd derselbten facultet nutzung, die sie gewonlich under sich teilen, nach personen zal dividiren, doch der iungst allwege eynen halben tayl nemen und den andern teil zu den bruchen 30 unnd penen dem ordinarien uberantwortenn, die auch der ordinarius neben den andern fellen pro fisco innebehalten und berechen sall.

So publici actus, doctores, licenciaten adder baccalarien zu promovirn vorhanden, so sollen alle doctores inn iren habit wie sie promovirt sein darbey erscheynen, unnd welcher ane ehafft absenns, der sall in eynen halben gulden pene gefallen sein. Der- 35 gleichenn sal derienige so zu dem actu ane habit komen wirdt gestrafft und locum nicht gegeben werden.

Eynn itzlicher doctor der in cathedra list sal ein rot ader braun baret uffen habenn, uf das moge gemerckt werden, ap ein doctor ader baccalarius uf der cathedra list.

254. a) Darüber vherzig geschrieben.